

碩議也。則外部正可踵雍正乾隆間故事。嚴密文網。多與大獄。料此無拳無勇之咕嗶小子。不難一網打盡。如指報館林立也。則政府近方效鑿西政。可特派二三專員調查該西國報館。林立較中國何若。昌言較中國何若。然後言報律。然後摘流弊。要而論之。報律之定。不定與外部無涉。與農工商部無涉。且與民政部亦無涉。而外部乃貿貿然催令之。民政部農工商部且貿貿然承諾之。其用意所在。直曰。朝廷方注重外交。而交涉之興。公使之派。約章之訂。國權之賣。何物報館。乃輒撫拾而評騭之。實與乃公有大不利焉。嘻。是言也。外部諸公。試平心自思之。爲然與不然與。

紀聞

中國部

京師△允還奉新鐵道●外務部近與日本駐京公使協議贖回奉天新民屯間鐵路之事。已於日前議結。日本允將此路交還中國。故外務部已咨度支部迅速籌備此款。以便交收鐵道。△政界近聞●唐小川侍郎現在北京政界忌者頗多。故有外放滿洲巡撫之說。將於不日與徐菊人尙書簡任東三省總督。同見明諭。惟徐菊人尙書及唐小川侍郎皆北洋大臣袁宮保之一派。爲現政府中有數之人物。若兩人均去北京中央政界已絕。袁宮保一派之跡矣。△衍聖公議晉封王爵●衍聖公孔令貽晉京。陛見恭謝孔子升爲大祀。恩兩宮召見奏對稱。旨軍機處待以優禮。有某大臣建議孔子既升爲大祀。衍聖公宜晉封王爵云。△京信錄要●慶邸壽辰。西人往祝者。每人送工藝局製造之銀烟捲盒一個。二十五日。忽由邸第傳諭。工藝局須備四十個。工藝局所存祇有三十六個。於是四處找尋舊烟盒。以補足四十之數。華官赴邸第祝壽者。號房必先問曾否送禮。如未送禮。只能掛號。不能